

Ua ike na kihi a o ka honua,  
 Me na Kahikolu Kiekie Loa;  
 Hea aku makou o mai oe,  
 O Liliu o Loloku kou inoa;  
 Hainaia mai ana ka puana,  
 Hoi hou o Liliu i ke kalaunu.

KUHULEMAI OPIO.

**KOOLAU KI POLOLEI**

Kaulana mai nei o Koolau,  
 Ka weli o na pali o Kalalau,  
 Kau ae oe a hiipoi iho,  
 Ko pu raifela kaupoohiwi,  
 Hoounaia no Kalalau,  
 Na koa o ke Aupuni Pi Ki,  
 O ka leo huro ka i ke kaona,  
 Me ka piha olioli i ka puuwai,  
 Me ka manao paha e loa ana,  
 Keiki Koolau noho kuahiwi,  
 He iwi ia ua hana a kani,  
 Ua lehia hoi ma ke ki pu.  
 Hoounaia aku na kiai,  
 Ma ka leo kauoha a ke kapena,

Kapena akamai a o Lasena,  
 O ka makau wale no e ka hewa,  
 O ka leo o ka pu ka'u i lohe.  
 Hu ana i ka lau laau,  
 E hai mai ana i ka lono,  
 Ekolu haole ua make mai nei,  
 Nawai no la e pakele aku,  
 Keiki Hawaii ki pololei,  
 Keiki Wilikoki ko ke kaona,  
 Keike Koolau ko Kauai,  
 Ua kui e ka lono ma ke komo-  
     hana,  
 Ua kau e ka weli ma ka hikina,  
 Eia Lasena ua hoohe,  
 Ke huli hoi nei no ke kaona,  
 Ua hele Koolau me ka lanakila,  
 Ma na kuahiwi o Puukapele,  
 Ekolu puaa a ka Iwalani,  
 E hii la i ke kai o Kaieie;  
     Hainaia mai ana ka puana,  
     Keiki Koolau ua ai manu.

J. W. KAMALI.